

插图本

唐诗宋词应用系列丛书

下

于唐 王伟·编著
辽海出版社

饮酒用宋词



1222.844

53

:2

饮酒用宋词

于 唐 王 伟 编著

(下)

辽海出版社

目 录

一、饮酒之趣	(1)
二、劝饮美酒	(33)
三、词中论酒	(87)
四、对月把酒	(115)
五、对酒当歌	(123)
六、对酒怀人	(148)
七、借酒浇愁	(153)
八、痛饮美酒	(177)
九、酒酣之时	(192)
十、饮酒伴乐	(196)
十一、饮酒赋诗	(200)
十二、自斟自酌	(228)
十三、对饮美酒	(233)
十四、会饮美酒	(239)
十五、离别之酒	(244)
十六、祝寿之酒	(262)
十七、美人美酒	(271)
十八、鲜花美酒	(278)
十九、醉酒百态	(319)
二十、酒醒之后	(409)
二十一、戒酒之词	(437)



朝中措 陈三聘

丙午立春大雪，是岁十二月九日丑时立春

朝来和气满西山。拄颊小阑干。柳色野塘幽兴，
梅花纸帐轻寒。三杯淡酒，玉腴蔬嫩，青楼堆盘。
细写池塘诗梦，玉人翦做春幡。

又

求田何处是生涯。双鬓已先华。随分夏凉冬暖，
赏心秋月春花。吾年如此，愁来问酒，困后呼茶。
结社竹林诗老，卜邻江上渔家。

西江月 石孝友

歌彻秋娘金缕，醉扳织女云车。而今谁复荐相如。
拔剑茫然四顾。好景凭诗断送，闲愁著酒消除。
镜中丝发莫惊呼。春满珠帘绣户。





西江月 史达祖

一片秋香世界，几层凉雨阑干。青天不惜烂银盘，
借与先生为劝。酒唤诗来酒外，人言身在人间，
如何得似碧云间。且共嫦娥相伴。

水调歌头 程 秘

壬子五月二十三日，流杯玉泉，雨忽大作，连赋水调二章，一于壁，一怀以旧。

电厥驱神骏，铁槌起痴蛟。木鸣山裂盛夏，白昼野魑号。急上瑶庭深处，为问龙君何怒，抉破古天河。日华开绚采，雨意属诗豪。

与君来，蜚玉佩，斩觚瓢。纤流沉羽，借我万斛沸银涛。醉拍满缸香雪，写竭一池浓墨，逸气正飘摇。何事谪仙子，归去续松寥。

又

日毂金钲赤，雪窦水晶寒。支机石下翻浪，喷薄出层关。半夜雌龙惊走，明日灵蛇张甲，蜚上石盘桓。多谢山君护，未放醉翁闲。





安得醉，风泚泚，露珊珊。翠云老子，邀我瑶佩
驾红鸾。一勺流觞何有，万石横缸如注，虹气饮溪乾。
忽梦坐银井，长啸俯清湍。

贺新郎 六月十五日夜西湖月下 史达祖

同住西山下。是天地中间，爱酒能诗之杜。船向
少陵佳处放，尘世必无知者。暑不到、雪宫风榭。楚
竹忽然呼月上，被东西，几叶云索惹。云散去，笑
声罢。

清尊莫为婵娟泻。为狂吟醉舞，毋失晋人风雅。
踏碎桥边杨柳影，不听渔樵闲话。更欲举、空杯相谢。
北斗以南如此几，想吾曹、便是神仙也，问今夜，是
何夜。

又 湖上高宾王、赵子野同赋

西子相思切。委萧萧、风裳水佩，照人清越。山
梁蛾眉波曼睩，聊可与之娱悦。便莫赋、湘妃罗袜。
怕见绿荷相倚恨，恨白鸥、占了凉波阔。拣凉处，放
船歇。

道人不是尘埃物。纵狂吟魂魄，吹乱一巾凉发。
不觉引杯浇肺渴，正要清歌骇发。更坐上、其人冰雪。





• 飲酒用家詞 •

十一、飲酒賦詩

截取斷虹堪作釣，待玉盃、今夜來時節。也勝釣，石城月。

鷓鴣天 盧炳

題廣文官舍竹外梅花呈萬教

閣雨浮雲寒尚輕。商量雪意未全成。莫嫌竹外蕭然處，忽有幽香透鼻清。

詩興逸，酒魂醒。主人留客更多情。不辭滿引成痴客，且為梅花醉一觥。

臨江仙 東越道中 高觀國

俱是洛陽年少客，才華迥出天真。青衫慣拂軟紅塵。酒狂因月舞，詩俊為梅新。

寄語長安風月道，鶯花緩作青春。披風沐露問前津。客中春不當，歸去倍還人。



又

風月生來人世，夢魂飛墮仙津。青春日日醉芳塵。一鞭花陌曉，雙槳柳橋春。



前度詩留醉袖，昨宵香浥羅巾。小姬飛燕是前身。
歌隨流水咽，眉學遠山顰。

思佳客 立秋前一日西湖 高觀國

不肯樓邊著畫船。載將詩酒入風烟。浪花淺白疑
飛鷺，荷葉藏紅似小蓮。

醒醉夢，喚吟仙。先秋一葉莫驚蟬。白雲鄉里溫
柔遠，結得清涼世界緣。

沁園春 葛長庚

乍雨還晴，似寒而暖，春事已深。是婦鳩乳燕，
說教魚躍，豪蜂醉蝶，撩得鶯吟。斗茗分香，脫禪衣
夾，回首清明上巳臨。芳菲處，在梨花金屋，楊柳
瑯林。

如今。詩酒心襟。對好景良辰似有妊。念恨如芳
草，知他多少，夢和飛絮，何處追尋。病酒時光，困
人天氣，早有秋秧吐嫩針。蘭亭路，漸流觴曲水，修
禊山陰。



沁園春 贊呂公 葛長庚

渭水秋深，湓江春老，洞庭一湖。問城南古樹，如今在否，洛中狂客，還更來無。獨上君山，渺觀岩石，八百里鯨波泛巨區。何曾錯，有茶中上灶，酒里仙姑。

終須。度了肩吾。稽首終南鍾大夫。日太平寺里，題詩去後，東林沈宅，大醉歸欤。天上筵多，人間到少，更不向廬山索鱖魚。如何好，好借君黃鶴，上我清都。

水調歌頭 葛長庚

誤觸紫清帝，謫下漢山川。既來塵世，奇奇怪怪被人嫌。懶去蓬萊三島，且看江南風月，一住數千年。天風自霄漢，吹到劍峰前。

做此詩，吃些酒，放此顛。木精石怪，時時喚作地行仙。朝隱四山猿鶴，夜枕一天星斗，紙被里云眠。夢為蝴蝶去，依約在三天。



酹江月 西湖 葛长庚

绿荷十里吐秋香，湖水掌平如镜。日落云收天似洗，况又月明风静。露逼葭蒲，烟迷菱芡，缩尽寒鸦颈。两枝画桨，柳阴浓处乘兴。

遥想和靖东坡，当年曾胜赏，一觴一咏。是则湖山常不老，前辈风流去尽。我兴还诗，我欢则酒，醉则还草圣。明朝却去，冷泉天竺双径。

沁园春 题黄尚书夫人书壁后 刘 过

缓辔徐驱，儿童聚观，神仙画图。正芹塘雨过，泥融路软，金莲自策，小小篮舆。傍柳题诗，穿花劝酒，嗅蕊攀条得自如。经行处，有苍松夹道，不用传呼。

清泉怪石盘纡。信风景江淮各异殊。记东坡赋就，纱笼素壁，西山句好，帘卷晴珠。白玉堂深，黄金印大，无此文君载后车。挥毫罢，看淋漓雪壁，真草行书。



• 飲酒用宋詞 •

十
一、
飲
酒
賦
詩

醉蓬萊 賦靜齋叔溪堂 李曾伯

我愛臨川，簪紱叢林，有宅一區。記謝墩名字，百年猶在，平泉孫子，三世重居。皂蓋新營，青毡旧識，此復古春秋宜大書。奇哉事，信當時種子，下到工夫。

笑渠。驪馬門閭。是几往過之凡几墟。喜尚存遺愛，甘棠在在，無窮生意，茂草如如。載酒尋盟，論詩結社，想田可秣兮園可蔬。應須念，古鄧亭乔木，無恙還無。

木蘭花慢 餞趙山台 吳文英

指罌罍曉月，動涼信、又催歸。正玉漲松波，花穿畫舫，無限紅衣。青絲。傍橋淺系，問笛中、誰奏鶴南飛。西子冰綃冷處，素娥寶鏡圓時。

清奇。好借秋光，臨水色、寫瑤卮。向醉中織就，天孫雲錦，一杼新詩。依稀。數聲禁漏，又東華、塵染帽檐緇。爭似西風小队，便乘鱗脰秋肥。





渔家傲 陈 著

山弄夕辉眉淡扫。溪分新水支流小。醉梦风光凝望杳。云树绕。杜鹃怨处谁能晓。

浮世悠悠波渺渺。蜗争何事何时了。天为无情方不老。休苦恼。随缘诗酒清闲好。

减字木兰花 自述 刘辰翁

不能管得。欲雨能教天地黑。待得开晴。不用吾言也自行。一杯亦醉。万事无能吾欲睡。旧亦能诗。说旧时诗问是谁。



• 飲酒用宋詞 •

十二、自斟自酌

十二、自斟自酌

满江红 张昇

无利无名，无荣无辱，无烦无恼。夜灯前、独歌独酌，独吟独笑。况值群山初雪满，又兼明月交光好。便假饶百岁拟如何，从他老。知富贵，谁能保。知功业，何时了。算箴瓢金玉，所争多少。一瞬光阴何足道，但思行乐常不早。待春来携酒殢东风，眠芳草。

浣溪沙 陈支义

送了栖鸦复暮钟。栏干生影曲屏东。卧看孤鹤驾天风。起舞一尊明月下，秋空如水酒如空。谪仙已去与谁同。





长相思 程垓

酒孤斟，客孤吟，戏马台^①芒露草深。英雄^②何处寻？爱登临，莫登临，定是愁来关客心。暮天烟水沉。

贺新郎 蒋捷

兵后^③寓吴

深阁帘垂绣，记家人、软语灯边，笑涡^④红透。万叠^⑤城头哀怨角，吹落霜花满袖。影厮伴^⑥，东奔西走。望断乡关知何处？羡寒鸦、到着黄昏后，一点点，归杨柳。相看只有山如旧。叹浮云、本是无心^⑦，也成苍狗^⑧。明日枯荷包冷饭，又过前头小阜。趁未

① 戏马台：中国有多处戏马台，江苏铜山、江都河北临漳都有。传说项羽戏马之处。但不知何处是真的。

② 英雄：项羽。

③ 兵后：根据宋史，此处之“兵后”应该是元兵攻陷临安之后。

④ 笑涡：人们笑时两颊形成的酒涡。

⑤ 叠：乐曲演奏一遍称一叠。

⑥ 厮伴：相伴。

⑦ 浮云本是无心：此句化用前人诗句入词。东晋陶渊明《归来兮辞》：“云无心以出岫，鸟倦飞而知还。”

⑧ 苍狗：浮云苍狗比喻世事变化无常。





• 飲酒用宋詞 •

十二、
自斟自酌

发，且尝村酒。醉探枵囊^①毛锥^②在，问邻翁要写牛经^③否？翁不应，但摇手。

鷓鴣天 明日独酌自嘲呈史应之 黄庭坚

万事令人心骨寒。故人坟上土新干。淫坊酒肆狂居士，李下何防也整冠。

金作鼎，玉为餐。老来亦失少时欢。茱萸菊蕊年年事，十日还将九日看。

木兰花令 用前韵赠郭功甫 黄庭坚

少年得意从军乐。晚岁天教闲处著。功名富贵久寒灰，翰墨文章新讳却。

是非不用分今昨。云月孤高公也莫。喜欢为地醉为乡，饮客不来但自酌。



① 枵 (xiāo 消) 囊：空囊。

② 毛锥：毛笔的别称。

③ 牛经：汉朝有《牛经》，是关于养牛知识的书。



瑞鹧鸪 卢炳

客里惊嗟又岁除。萧萧寒雨滴茅庐。山深溪转泉声碎，夜永风摇烛影孤。

冷甚只多烧木叶，诗成无处写桃符。强酬节物聊清酌，今岁屠苏自取疏。

角招 赵以夫

姜白石制角招、徵招二曲，仆赋梅花，以角招歌之。盖古乐府有大小梅花，皆角声也

晓风薄。苔枝上、翦成万点冰萼。暗香无处著。立马断魂，晴雪篱落。横溪略约。恨寄驿、音书辽邈。梦绕扬州东阁。风流旧日何郎，想依然林壑。

离索。引杯自酌。相看冷淡，一笑人如削。水云寒漠漠。底处群仙，飞来霜鹤。芳姿绰约。正月满、瑶台珠箔。徒倚阑干寂寞。尽分付，许多愁，城头角。

齐天乐 白酒自酌有感 吴文英

芙蓉心上三更露，茸香漱泉玉井。自洗银舟，徐



• 飲酒用宋詞 •

十 开素酌，月落空杯无影。庭阴未暝。度一曲新蝉，韵
二 秋堪听。瘦骨侵冰，怕惊纹簟夜深冷。

、 当时湖上载酒，翠云开处共，雪面波镜。万感琼
自 浆，千茎鬓雪，烟锁蓝桥花和径。留连暮景。但偷觅
斟 孤欢，强宽秋兴。醉倚修篁，晚风吹半醒。

自
酌

